


PËRFAQËSIMI DHE NXITJA E POLITIKAVE TË BASHKËPUNIMIT DHE TË NDERVEPRIMIT ME TË GJITHË SHQIPTARËT, DUKE NXITUR E FUQIZUAR BASHKËPUNIMIN NË TË GJITHA FUSHAT ME SHQIPTARËT JASHTË KUFIJVE TË REPUBLIKËS SË SHQIPËRISË DHE SHTETET KU ATA BANOJNË

Publikohet gazeta "Diaspora Shqiptare"



Publikohet gazeta "Diaspora Shqiptare", një projekt i financuar nga qeveria e Konfederatës së Zvicrës në bashkëpunim me Fondin Shqiptar të Zhvillimit të Diasporës. Një hapësirë mediatike kushtuar gjithçkaje ndodh në Diasporën shqiptare, gazeta "Diaspora Shqiptare" ka si mision të saj informimin me profesionalizëm të komuniteteve shqiptare kudo ndodhen në botë dhe synon të jetë një hapësirë e lajmit për sfidat e migrimit, përvojën dhe realizimet e shqiptarëve larg vendlindjes. Gazeta "Diaspora shqiptare" ka bashkëpunëtorë nga Australia, në Europë, në Britaninë e Madhe, në Shtetet e Bashkuara të Amerikës dhe Kanada. Gazetën mund ta lexoni këtu.

Aplikacioni informues "Diaspora Shqiptare"




App store këtu: Play store këtu:

KKD / Mark Gjonaj, ndihma në Departamentin Policor në New York



Mark Gjonaj, kryetar i Këshillit Koordinues të Diasporës dhe njëkohësisht këshilltar i Bashkisë së New York-ut është bërë pjesë e nismës humanitare për shpërndarjen e ushqimeve për policët e komunitetit, të cilët po japin kontributin e tyre gjatë kësaj pandemie globale që ka përfshirë tashmë dhe SHBA-në. Lajmi është bërë i ditur nga vetë Gjonaj, i cili përmes një publikimi në rrjetet sociale është shprehur: "Faleminderit burrave dhe grave tona të uniformës blu. Sot, pata mundësi të vizitoja Departamentin Policor të New Yorkut të rajonit tonë dhe t'i falënderoja ata, pasi ish-oficeri i policisë së NYPD, Tony Rodriguez, pronari dhe operatori i McDonalds dhuroi ushqime për ta".

"Raporto" problemmin në çdo kohë në Ambasadalme



App store këtu: Play store këtu:

Autorët e javës nga Takimi i Shkrimtarëve të Diasporës



Denada Dreca lindi në Shkodër dhe kreu atje studimet e larta. Gazetare, përkthyes dhe poete, ka botuar në Shqipëri disa vëllime poetike dhe libra për fëmijë. Veprat e saj janë vlerësuar me tituj e çmime kombëtare dhe ndër-kombëtare, janë përkthyer në disa gjuhë të huaja dhe përfshirë në antologji të ndryshme letrare. Është pjesë e lidhjes së 17 akademikëve të artistëve dhe shkrimtarëve "Pergola Arte Firenze".



Jozef Radi lindi në qytetin e Elbasanit në vitin 1957, mbaroj shkollën e mesme në qytetin e Lushnjes dhe studimet për Drejtësi. Ai është autor, përkthyes i shumë veprave të njohura brenda dhe jashtë Shqipërisë. Disa prej veprave të tij janë: "Muret e Muzgut", "Kujtesa e mjegullës", "Qielli i përtejme", "Fletorja e Vjeshtës", etj. Radi nga viti 1998 jeton midis Italisë dhe Shqipërisë

Për të kontribuar në ndihmë të familjeve të prekura nga tërmeti



Kontributet vullnetare dhe ndihmat për familjet, mund të bëhen me shpejtësi në rrugë digjitale, në tre kategoritë e veçanta të hapura për grumbullimin e ndihmave në portalin "e-Albania".

KKD / Rosario Petta, nismë humanitare në komunitet



Rosario Petta, kryetar i komunës "Piana Degli Albanesi" në Sicili të Italisë dhe njëherësh anëtar i Këshillit Koordinues të Diasporës, për shkak të situatës së krijuar së fundmi nga koronavirusi, ka ndërmarrë një nismë humanitare për t'iu gjendur pranë familjeve në nevojë në këto ditë të vështira. Përmes një njoftimi të publikuar në rrjetet sociale u bëhet thirrje të gjithë qytetarëve që të kontribuojnë për t'iu gjendur pranë familjeve që jetojnë me dinjitet, por në kushte tejet të varfra në këto momente. Blerja e produkteve bazike ushqimore nëpër supermarketet, do të përbente një gjest të madh bujarie për secilin dhe do ta ndryshonte situatën e këtyre familjeve, thuhet ndër të tjera në njoftim.

Njoftim për anulimin e Takimit të Juristëve në Diasporë, në datën 4 prill



Të nderuar pjesëmarrës në Takimin e Juristëve në Diasporë, ju njoftojmë se, për shkak të situatës së krijuar nga COVID-19, takimi i programuar për datën 4 prill shtyhet për një kohë të papërcaktuar. Falënderojmë dhe u shprehim mirënjohjen të gjithë profesionistëve të Diasporës në fushën e së drejtës, të cilët shprehën interes për pjesëmarrje në takim. Agjencia Kombëtare e Diasporës, në kuadër të misionit të saj në forcimin dhe zgjerimin e lidhjeve të bashkëpunimit me profesionistët në Diasporë, do të vijojë kontaktet me secilin prej jush. Ju faleminderit për mirëkuptimin dhe urtësinë shëndet për ju dhe familjet tuaja.